

# ЛЕНИНЭНЬ КИЯВА

ВЛКСМ-нь Мокшэрзянь обкомонт ды Саранскоень ошонь комитетэнь газетаст



## САЕМС ПРИМЕР ИКИЛЕ МОЛИЦАТНЕ ПЕЛЬДЕ

Комсомолонь роботанть вейке решающей задачка ашти комсомолетнэнь ды од ломаньтнень ютксо военно-физкультурной роботань ютавтомась.

Роботань те участканть пек покш значениязо минек ине родинанть обороноспособностензэ кемекстамосонт, весе масторлангсонть буржуазиянь каршо пролетариатонть классовой бойтнень ды сень кис, штобу неть бойтнесь изняволь пролетариатось — неть бойтнень смелой, отважной, кеме революционной боецэнь анокстамосонт. Ансяк военно-физкультурной движениянь вельде минь можем максомс минек робоче - крестьянской доблестной Якстере армиянтень физически кеме, технички грамотной, эрва мезень кувалт анокстазь пополнения.

Секс аволь случайно комсомолонь Центральной Комитетэсь 1935 иенень военно-технической экзаменэнь ютавтомадо решениясонзэ «веш эрва активистэнь комсомолетнэнь пельде (ВЛКСМ-ень заводской, райононь, краен комитетэнь секретарэнь ды бюронь членэнь) пельде сень, штобу сон 1935 иенэнь маховоль омбоце ступенень военно-технической экзаменэнь коряс анокстамонь вейке кодамояк повышенной вид». Теке марто Центральной Комитетэсь пек кеместэ тешксты сень, што эрви организовамс те роботанть истя, штобу «военной знаниянь весе комплексэнь коряс нормань максоманть апаклотксек ютавомс весе иенть перть».

Но, те роботанть важностензэ, ВЛКСМ-ень ЦК-анть чаркодевикс указаниязо ды решениязо лангс апака вано ды комсомолонь обкомонтэ зярва указаниязо лангс апака вано, комсомолонь секс ламо райкомтэ, осоважихмень ды физкультурань райсоветнэ икеле ладсо мезеккак а ловить эсист основной роботаст ды алуксонь тевсэ саботировать комсомолонь Центральной Комитетэнь решениязо.

Аволь мезеккак лиясо, ансяк саботажокс ды корс а кирдевица недисциплинированностекс ды расхлябанностекс можна ловомс се положениянь, што минек республикась сентябryanь 1-це чис ГТО-нь 1-нь ступенень значоконь нормань максомань планонть топавтызе весемезэ ансяк 30 проц.

Кодамо оправдания могут муемс Торбеевань, Ст.-Шайговань, Рыбкинань, Б.-Березникень, Кадошкинской ды лия райкомолонь ды райСФК-ань секретарьтне, косо ГТО-нь значокс весе норматнень эзинзе максо вейкеяк ломань. Сень таркас, штобу неть районтнень райкомонь секретарьтне, бюронь члентнэ ды активес сынсь молевель нормань максомо, таргамс мельгаст весе од ломаньтнень, сынсь прок вельможной старейт седе парокс ловить аштекшнемс качамов райкомтнэс, заседать, согласовамс, пижнемс военно-технической экзаменэнь сеземадо ды лият ды практически меськак а тейнемс.

Ромодановань, Рузаевкань, Саранскоень, Дубенкань, Краснослободскоень, Ковылкинань ды лия райкомолонь руководителтне, косо ГТО-нь 1-нь ступенень значекс нормань максомань контрольной цифранть весемезэ ансяк топавтызь 3 процентсэ 17 процентс, арсить, што сынсь тевестеизь, кизэсь ютась ды ней можна оймсемс.

Весе вере невтезь даннойтне ды сводкас, конань минь печатынек, пек парсте кортыть седе, што минек республикась позорно сезизе военно-технической экзаменэнь ютавоманть.

Те эщо гламо, што минь позорно сезинек те пек важной мероприятиянь — те уш ютазь этап. Ней важно се, кода кой-кона райононь руководителтне бороцить прорывень маштоманзо кис Эрви видэстэ меремс, што те роботасонть икеле ладсо жо покш тарка сайсть беспечностесь ды самотекось.

Военно-технической экзаменэнь, васняк ГТО-нь значокс нормань максомань марто тевес ашти пек беряньсэ ды бути тенень поладомс сень, што райононь кой-кона руководителтнень пряс появась истямо мель: заданиясь а топавтыця ды аволь реальной, — то можна було теэмс вывод: арасть кемемат

прорывень маштоманзо кис. Ды, те может удемс истя, бути те те-вентень а кундыть кода эрви комсомолонь обкомось, бути кода эрви а сыргозить МАССР-нь ОАХ снь ды ВСФК-ань советнэ, ды теяк ули эщо аволь сатышка. Прорывной райкомтнень эрви тевс нолдамс рудазонть ды теленть самс кадовозь паро шканть кизнь норматнень максомань кис. Удалов кадовозь райононь секретарьтнень эрви топавнемс ды саемс пример икеле молиця районтнэ пельде, конат невтезь, што контрольной цифратне топавтовицт реальнойт мик вельска топавтовицт. Вана неть районтэ, конатне пельде мож на топавнемс: Ардатовань, Кочуровань, Атяшевонь.

Неть районтэ ГТО-нь значеконь коряс норматнень топавтызь секс, што сынсь мелятсь те тевенть кис, секс, што сынсь невтезь комсомолонь дисциплинированностень ды оперативностень пример.

Райкомонь секретарьтнень эрви организовамс нормань максомань коряс роботанть ды сынсь невтезь пример истя, штобу комсомолонь районной конференциятнень самс целанек прядомс военно-технической экзаменэнь максомань норманть.

## Од ломаньтнень вечкема тевест

1935 иень кизэнь самс Зубово-Полянень районсо од ломаньтне эсть нехше физкультуранть коряс паро работа. Теде икеле овси аволь ламо од ломаньтнень мештьсэ ульнест ГТО-нь, БГТО-нь ды Ворошиловской стрелоконь значект.

Райононть келес ульнест ансяк 4 физкультурной спортивной площадкат. Снетнень лангсоак кизэстэ-кизэс кассь минень-сюонь тикше.

Ней жо, знярдо физкультурань райсоветэнь секретарекс аравтозь МОРКИС комсомолетнэнь — тевес тусь лиякс.

Районной центрассо физкультурной 4 площадкатнеде башка, колхозтэва кассть 12 од площадкат.

Физкультурань центрэнь неть очатнэсэ те иентэнь уш ГТО-нь значеконть норматнень кармасть максомо 373 од ломаньтэ 70 од ломаньтэ

уш максызь нормаст ды каннить значект. Теде башка БГТО-нь значеконть максомо кармасть 278 тонавтницят, конатнестэ 50 од ломаньтнень улит уш значекост.

Истяжо райСФК-с кармасть строимо военно-спортивной городок. Тосо од ломаньтне кармить макснеме норматнень ГТО-нь 2-це ступенень значеконтень.

Райононь стадионсонть улит футбольной, волейбольной ды баскетбольной площадкат, чийнемань таркат, сэрсь ды кувалмос кирнятнемань таркат, турник, кольцят, тропецият ды лият.

Футбольной командась Шеренгушень команданть марто налксемгэстэ макссь паро результат. Торбеевань команданть марто налксемась прядовсь 8:0 Зубовань пользас.

ЗАЙГРАЙКИН.

## Жуликесь панезь комсомолсто

Сентябryanь 2-це чистэ Рузаевкань чулганкань кинь станциясонть, 4-це сменанть дежурямсто, приемной 9-це кизэнь теевсь авария. Тапавсь цистерна, косо ульнест ой.

Сень таркас, штобу ванстомс вортнэнь эйстэ оенть, примиця весовщикесь МАЛАХОВ (комсомолец) сонсь кармасть саламо тапазь цистернасонть оенть эйсэ. Пек ламо ой юмась се вестэнь,

Омбоцекс чистэнь жо комсомолонь организациясь панизе эсинзэ рядтнэстэ комсомольской билет марто жуликенть, социалистической собственностень салыцянь Малаховонь.

Промксось вешы, Малаховонь профсоюзсто ды роботасто панемадонть.

ДМ. БАКУЛИН.

## Республикань васенце ливтницят

Аволь умок эри Рузаевкань аэроклубось, апака вано сень лангс, што республикасонть сон сехте сыре. Те нурыка шканть клубось тейсь покш работа, добувась ламо вадря результат. Астяк Рузаевкань од ломаньтне истя пек вечксызь сонзэ, истямо покш охотасо якить тов. Аэроклубонть улит кавто самолетонзо ды планерзэ.

Августонь 3-це чистэ аэроклубось роботасто апака сезеве прядсь пилотонь курсонь ютавтома. Кото од робочейть роботасто мейле упорнасто тонавтнест самолетонть ды максызь экзаменэнь «Хорошо»

Вана кить неть икеле пелень геройтне, советской коштонь изницагнэ, конат кармить ливтнеме сталень нармутне эйсэ: **Выгузов П.** — депонь слесарь, **Попов** — 23-путен дистанциянь столяр, **Романовский А.** — депонь машинистань помощник, **Буйлов** — депонь электросварщик, **Лукин** — аэроклубонь планерист. Весе сынсь сехте вадря производственник, чулганкань ки лангонь ударникт.

Пилотонь васенце группань нолдамодо мейлей, аэроклубось кармасть анокстамо гордой соколонь омбоце группань анокстамонть, конатне эрва минутасто буулевельт анокт ванстомс социалистической ине родинань менельксэнь.

Рузаевка.

Дм. Бакулин.

Мокшэрзянь республиканть келес ГТО-нь васень ступенень значеконтень норматнень максомань контрольной цифратнень топавтомадо 1935 иень сентябryanь 1-це чис Мокшэрзянь ВСФК-нть сводказо

РАЙОНТНЭ	Топав то-мань проц.	Райкомонь секретарьтне
Кочурова . . .	163,3	Ведякин
Ардатова . . .	111,5	Левин
Атяшева . . .	107,5	Рогожин
Лямбирь . . .	80	Ямбушев
Чамзинка . . .	60,7	Потякин
Инсар . . .	60	Малавина
Б. Игнатов . . .	50	Егоров
Ичалка . . .	36	Лешев
Ельник . . .	30	Белгородцев
Ромоданова . . .	17	Платонов
Рузаевка . . .	16,8	Казаков
Саранск . . .	16,6	Киселев
Дубенка . . .	16,6	Кротов
Темникова . . .	13,1	Григорьев
Краснослободск . . .	7,2	Цыганов
Ковылкина . . .	3,8	Ионов
З. Поляна . . .	—	Буянкин
Торбеева . . .	—	Дуняк
Ст.-Шайгова . . .	—	Ферцев
Кадошкина . . .	—	Петров
Теньгушева . . .	—	Зверьков
Б. Березники . . .	—	Левин
Рыбкина . . .	—	Фенин

Республикаванть 32,2



## Минек кис заботямонь покш документ

Саранск. Сентябрянь 7-це чистэ образцовой 4-це школань тонавниятне весе пурнавсть вейке класс. Сынст эйстэ эрвась содась, што кармить толковамо ВКП(б) нь Центральной Комитетэнь ды СССР-нь Совнаркомонтъ постановленияст.

Школань заведующеесь Любовь Михайловна Сидельникова панжизе школьной митингентъ ды пек чарькодевиск, простой вал со кармась беседанть ветьамо.

Эйкакштнэ аштеть пек састо. Парсте кунсолось эрвась.

— Любовь Михайловна, аштека аламошкас, те кода истя испытаниявтомо кармить примамо высшей школав?

Сестэ, штобу тонавниятне допрок кемевельть, Сидельникова ялгась сайсы икелензэ аштиця „Комсомольская правда“ газетанть ды ловносы весенень се тарканть, конанте було мик а кемевитькак.

Кемень иесэ тонавниятне Лопатов Шура сеске виткстась:

— Оепомо, эйкакшт, мон а карман. Мон течень чис молинь школьной правилатненъ каршо. Пряметинь истя, кода ульнесь паро эстенъ. Но ней, ой-ой-ой — сонсь чаравты прясонзо — ней бути мерсь Сталин ялгась, эрви кадомс весе мезе ульнесь. Максан вал весе школатнесэ тонавнемань перть улемс образцовыйкс.

Теке жо промкстонть мейле, весе тонавниятне кармась седеньгак пек ванстомо школьной улипаронть, ваномс ванькс чинть мельга, бороцямс тонавнемань качестванть кис, бороцямс хулигантнэнь, дисциплинанъ калавтыцятненъ каршо.

А. Мартынов.

## Кавто чиде мейле

Сентябрянь 9-це чи. Ульцятнесэ овси уш арасель рудазгак, но школав совамодо икеле эрва тонавниятне икелевгак парынестэ урядасынзе пильгензэ, варшты эсинзэ рунгонзо лангс ды мейле уш теи эськелькс школань порогонть тонабокав. Кластнэсэ эрва тонавниятне старай ветьамс эсь прянзо парсте, улемс вежливоекс преподавательтненъ, сондедензэ покштнэнь ды ялгатненъ икеле, штобу мейле а якстерьгалемс весень икеле. Эрва тонавниятне соды, што сын ансяк сентябрь 7-це чистэ кортнестъ теде эсист митингсэ.

Занятиятнеяк мольсть кода бути лиякс, седе парсте.

Омбоцекс класонтень совамо, сельме икелеть икелевгак каявить эйкакштнэнь парсте наразь прят, ванькстэ муськезъ ды глядязь сивест. Сын пек парсте кунсолить эсист учительницанть — Мария Гавриловнэнь.

Рыкова тонавниятне „ордатс“ перазо. Сон сейсь коневнэ, седе курок урядызе эйснэ. Кармась сермадомо, перась таго яла а сермады. Тейтерьнесь кежиявтсь перанть лангс ды було кежень пандоманть кис, сон коштонень рекстидизе ручканть эсинзэ ашосто шдязь кедьнеснэ. Чернилась пургавсь черновой тетрадканзо лангс.

Варштавсь ялгасо ручканть марто бороциця тейтерьканть лангс ды ваны, прок сэнъ плаштя педясь ашо кисеянь стенантень чернилань петнась.

— Варштака стенанть лангс, тон месть истя тейнить? — Састыне мерсь тейтерьнесь лемсэнзэ ялганстэнь.

Тейтерькась сеске варшталъ стенанть енов. Ды чернилань петнявксесъ прок рудазов лаки ведсь окатизе сонзэ. Мелезэнзэ ледстэ эсаст валтнэ, конань сын максызь школатнеде ЦК-нь постановлениянь толковамо, што кармамс школосо парсте эсь прянъ ветьамо ды аварьгадсь. Аварьгадсь аволь секс, што кияк мурьнесь эйснэ, но секс, што а ен ульнесь ялгадонзо.

Мария Гавриловна теде эзь сода. Сон мольсь ниреждицанть вакс ды чевтестэ кевкстизе:

— Тонъ кие обидинзеть. Сонзэ валонзояк мик парсте эсть евтавт нирежксонть пачк. Мерсь, што:

— Мон те пургавкссонть аволь ансяк эсинек классонъ стенанть, но мик весе школанть пащкия. Мон эзинъ кирьде эсинъ валом...

Кувать лацесь сонзэ учительницасъ. Лацестъ мик ялганзояк.

А. Зорайский.

## Комсомолецтнэ кармась тонавнемне

Инсар. Комсомолецтнэнь политической образованиядо ВЛКСМ-нь ЦК-нтъ постановлениянзо толковамо Курилока комсомолонъ организациясь (эйснэ 12 ломанть), тейсь решения:

10 комсомолецт кармить тонавнемне „Борьба за социализм“ Карпинскоень книганть коряс. Те школасонть руководителекс карми улем политический грамотной комсомолецтсэ Грачев. Сон прядсь семилетка ды тонавтнесь пропагандистэнь курсасо.

Теде башка неть комсомолецтнэ кармить тонавнемне начальной школань 4-це группанъ школасо. Тонавтомас кармить школанъ завось Шириков ды Пикайкина ялгатне.

Кавто комсомолецтнэ жо Грачев ды Пикайкина кармить тонавнемне партианть историянзо.

Занятиятне ушодовсть сентябрь 10-це чистэ.

Ив. Пузаков.

## Власовонь бригадась ды Ерошкинэнь комбайнась

„Гроза“ колхозсонть роботы Чамзинкань МТС-энь тракторной омбоце бригадась (бригадирэсь Власов Г. С.) тунда видема ушодовомсто ды те шкас. Бригадась пек лездась колхозонтень ды невтсь роботамонь вадра примерт. Парсте ютавтозель тунда видемась.

Бригадась пек парсте лездась сюронь уриамо тевсэнть. Роботась комбайна. Комбайнерэсь Ерошкин. Сонензэ максозель государственной задания нуемс 160 гектарт. [Ерошкин ялгась эсь комбайнасонзо 17 чис вадра качества марто нуйсь 190 гектарт.

Бригаданть член комсомолецт Киялин М. А. колхозсонть сюронь уриамо шкастонть работась жнейкасо. Сон эрва чистэ 6,5 гектаронь таркас нуиль 13 гектарт. Бригаданть лездамонзо марто колхозось сюронь уриамо парсте прядызе августонь 30-це чистэнь.

Бригадась колхозонтень пек лездась озимень видемасонть ды ловалов сокамасонть.

Паро роботанъ кис МТС-эсь те бригаданть аравтызе премированиясь.

И. Бояркин.

## Призывниктнэнь максеть премият

СарЦЭС-нь дирекциясь аволь умок ударнасто производствасо роботамонть ды эсист прят Якстере армияв парсте анокстамонть кис максеть премият 7 призывник-ударниктнэнь. Сынст эйстэ кавтотненъ кучнинзэ оймсема кудов.

## Тонавнить партианть историянзо

Дубенка. Морго велень комсомолонъ организациясь организовась партианть историянзо тонавнеманъ кружок.

Кружоконтень тонавнемне парсте якить 15 комсомолецт.

Лемаев.

## АНРИ БАРБЮС

# СТАЛИН \*)

Кодамокс ульнесь сон? Эйкакшшкасто сон ульнесь вишкине, тоштэ, смел ды аламодо заносчивой чама марто, прязо кепедезель. Мейле, зярдо иетне ютазь сон кассъ, неявиль пек хрупкойкс. Сонзэ ульнесь пек човине интеллигентной чамазо, конань эзга кассъ тусто ды прок чернила раужо черть. Од шканъ теине чертатне невтсть сонзэ чаманзо грузинской овалонть ды сонзэ рассанть аламодо раужо сельмензэ. Аволь пек сэрэй, тея лавтов, кувака чама марто ды човиньке уло марто, стака сельме керъ, виде ды човине судо марто, лапша картузсо, кона аламодо чиРем тездь бока енов покш раужо шевелюрасонть, — истямокс сестэ ульнесь массатненъ те ветицясь, миртнэнь икелев айгицясь.

Седе мейле Сталинэнь весе обликезэ кемекстась, ды ней, зярдо удалов судрызъ сонзэ черензэ вельтывсть а покш жержесъ, пряс сы истямо мель, што сонзэ чама енксонзо пролетаризировались ды

\*) Ушоджсонзо вант 97-це номерстэнь.

мик военизировались — те паряк, можот, сонзэ костюмонть кувалт.

Ды яла теке а кода меремс, што сон пек лиякстомс: сех ламо, мезе можна меремс, — те се, што ней те лицастонть энергиясь ды боевой виесь седеак пек кармась неявиомо, секс, што бути ули ломанъ, кона зярдоак эзь полавтневе эсинзэ сушностензэ коряс, то те — Сталин.

Ды сестэяк, зярдо Коцховели, 35 иеде икеле, ловиль сонзэ „вадря ялгакс“, тешкстыльть сонзэ тевев кортамонзо. Те од ломанесь пек а вечкиль чаво валт (фразат). Сталин ульнесь сеть ломаньтненъ антипод, конат вешнить эффект ораторской приемтнэстэ ды жестэнь воздушной рисункастонть. „Нирькинесть, чаркодевискстэ ды точнойстэ — ульнесь сонзэ характерной енксокс“.

Эсинзэ спокойствиянень беряненъ теезъ, Тифлиссэнь семинариясонть сон салава тонавтнесь книгат естествознаниянь ды социологиянь коряс. Сон благолениянь те кудонтень кантлесь паро знаниянь книжной яд. Тенень фатясть тосонъ властне. Ды секс, што семинарской

ванькс традициянь марто а кода ульнесь вейс кирдемс алкуксонъ образованиянь потребностесь, од сосонъ панизь, ловизь прок „политически аволь кемевиксэкс.“

„Сон тусь, алак велявтне, видьстэ робочейтненень.“

1898 иестэнь сон совась Россиянь социал-демократической робочей партианъ тифлиской организациянень. Те ульнесь, кода минь неинекш, самай омбоце интернационалонъ Россиянь секциянть официально шакоманъ иетнестэ.

Истя сон стясь эсинзэ кинть лангс. Сон стьяко эзь ематне шка те кинть вешнемантень. Сон лиссь эйзэнзэ сескежо, нирька киява. Те интеллигентэсь, крестьянинэнь робочееень церась, кармась улем „профессиональной революционеркс“.

Васня сон понас Тифлиссэнь чугунканъ ки лангонъ робочейтненень, мейле табачной ды обувной фабриканъ робочейтненень, мейле метеорологической обсерваториянь робочейтненень — аламошка эрва косо — робочей тевенть алкуксонъ робочей.

Сталин маштсь робочейтне марто кортамо. Те ерококс улемс весемени чаркодевиксэкс — может истяжо улемс Ленинэнь характеристикакс. Ленин, кона икеле уш неизе электрификациянь се шкастонть, зярдо Россиясь ульнесь тапазь ды пулев чаво таркакс, конанъ лангс

кайсевкшнестъ омбо масторт ды эсь масторсонть, те икеле неицясь, кона маштсь каподемс весе ктда эрви целанек ды аравтинзэ весе точкатненъ „И“-нтъ вельксэс, кона тейсь пек покш плант, кодат зярдо бути шачтакшнось ломанень превесь — сон истяжо маштсь робочейтне марто — ды эрва башка робочееень марто кортамо. Сонзэ сферической ды голой прясонзо сэрейстэ аштиця картузсо, кедензэ зепс тонгозь, ежовсто пейдэзь, сон якась заводов совамо таркатнева. Сон кармилъ кортамо робочейтне марто, ялгакс кортниль мартосты сиюмилинезэ сынст эсь мартонзо пингезэст. Аппатичноентъ эйстэ сон теиль бунтарь, бунтарентъ эйстэ — революционер.

Иосиф Виссарионович ульнесь истямо жо типень ломанекс, неть кавто силуэтнэ стить вейс весе лиятненъ легиононть эйстэ. Сосонъ натуральной простой-чись, эсинзэ эрямонть лангс овси а пеняцямось, сонзэ потмо ендю кемекс-чись, сонзэ пек покш, вадра развитиясь — сестэ уш тейсть тензэ авторитет, усксть сонзэ ензэ ды кармавтыльть сонзэ лангс ваномо. Тифлиссэнь робочейтне мерильть тензэ „минек Сосо“.

Аудиториянть уровенензэ чаркодеме те гениальной маштомасонть ашти массатне ютксо те ломанентъ лангс кемеманъ ды се ролентъ, кона сонензэ максозель теемс исто-

(Пезэ 3-це страницасо).



## ЗЯРДО ЖО КАРМИТЬ УЛЕМЕ ПРОГРАММАТ

Саранскоень пединститутсонть те шкас эщо яла а содыть, кода васень курсонть кармить мокшонь ды эрзянь кельтнень, литературанть тонавтнеме. Зярс мезе весе тевесь оймась сень лангс, што организовасть мокшонь ды эрзянь секцият. Программа арась, аноксты яла эйсэнзэ деканось ды киздай зярд анокстасы.

Расписаниянь коряс эрзянь ды мокшонь келенть тонавтнемань кис максозь част. Но неть частнэ ем-тить стяко, а эрять кодаткак заня-ният. Сентябрянь 8-це чистэнть мокшонь ды эрзянь секцияне рас-писаниянь коряс пунавь 19-це аудиторияс. Совась учитель ды мерсь: „кодаткак установкат арасть Секс, зяро мокшот ды эрзят тесэ улить, кадык туить“. Савсь туемс. Кавто частнэ ютасть занятиавтомо. Истя ульнесь лия читнестяк. Ды истя жо нать карми улеме седе товгак.

Те корты аволь мездеяк лиядо, сон корты седе, што пединститут-со овси а мелявтыть мокшонь ды эрзянь кельтнень, литературанть тонавтнемасть кис. Бути меляво-вольгь деря, то шкастонзо бу ано кставольть васень шкантень эря-викс программа, но аволь ней бу-теде, арсекшневелеть. Бути зярс мезе мик арасть эщо эрзянь ды мок-шонь кельтнень коряс общей, ке-ме программат, то те овси а кор-ты седе, штобу овси а кармакс сынст тонавтнеме ды стяко ютав-немс академической частнэнь. Эря-ви пе путомс мокшонь ды эрзянь кельтнень тонавтнеманть лангс ис-тя беряньстэ ваномантень.

Виев штурма.

## Строить од клуб

КОЧКУРОВО. Аволь умок рай-онной центрассонть кармасть строя-мо 800 ломаньс од клуб. фунда-ментень строяссонть покш уча-стия примить 12 комсомолецт ды 2 комсомолкат.

Клубонь строямонь прядомась тешкстась Октябрьской ине празд-никентень.

риясонть, пек покш причинакс. А эряви теемс ильведькс: чаркодемс массатнень уровенест—те а корты седе, штобу приспособиться, алов новолемс, эли теемс почаня фами-льярность. Овси арась. Орахвела-швили, Сосонь се шкань ялгазо, макссь тень точной определения: „Сон эзь ульне а схематичнойкс, а вульгарнойкс“. Сон боецэнть ловсь истямо ломанекс, кона машты кор-тамо секежо вешатнеде, мезде корты сонсь ученоесь теоретикесь, аудиториянт уровенензэ ды куль-туранзо коряс. Кода? Образсо ды жив примерсэ.

Минь весе, лиятне, корты Орахв-лашвили, минь, конат вейсэ сонзэ марто ульнинок пропагандистэнь группакс, не могли менемс икелень терминологиянт эйстэ. Минек мель-га якась „теза“, „антитеза“, ды „синтез“ ды диалектикань лия клю-чнэ. Те схемась сеedyстэ неявилъ крестьянтинэнь ды рабочейтненень минек кортамонок эйстэ. Но аволь Сталинэнь кортамостонзо. Сон ве-щатне лангс вансь лия ендю, эря-монть ендю. Сон сайнилизе, при-меркс, буржуазной демократиянт чаркодеманзо ды парсте невилизе, мезде сон седе вадра царизманть коряс ды мезде берянь социалисти-ческой строенть коряс. Ды весе-менень теевилъ чаркодевиксэкс, што коть те Демократиясь способ-ной ертомс империянт, но вейке кодамояк чистэ сон может улеме социализмантень припятствиякс, ды сонзэ эряви маштомс. (Сазь „ВК“)

## Седикелень эрямодонтъ

Вася Водясов

Истя тюма  
Ушодсь евтнеманзо,  
Ташто пингень  
Сон читнень печтась;  
Ламо пиштема  
Югась ланганзо...  
Сельведь марто  
Валонзо евтась:  
— Эх, чи валдо...  
Косолить тон сестэ,  
Зярдю наргицят  
Ульнестъ лангсонок.  
Ды лепштятъ  
Эйсэнек пек виевстэ..  
Шукш прянь сорокс  
Сестэ ульнинок..  
Мекс тонгак, мик,  
Варма казямолить,  
Мекс арасель тонь  
Чевте ежот..  
Мекс мастор  
Тон бутто ведь прок ульнить,  
Мекс эзик невтне  
Ванькс чамачить..  
Вачо чидентъ  
Авам калмс тусь эйстэнь,  
Стака кинтень сестэ  
Мон чалгинь.  
Течис эзь тук  
Сэредьксэсь седейстэнь,  
Эйкакш пингем  
Сельведьсэ валнынь.  
Триця тетям  
Кудосо арасель,  
Рав берексо сон  
Баржат усксесь,  
Стака кевсэ  
Виезэ лепштязель,  
Лавтовонзо  
Версь керясь пиксэсь.  
Тетянь туртов  
Эзь пачтав сэредьксэсь,  
Сон эзь сода  
Стака кулядонть,  
Эзь варштаволь,  
Кодамо менельксэсь,  
Сельведензэ  
Копачастъ валдонть..  
Ульнесь кизэ..  
Пиждолдыл масторось;  
Ашо пацякс вельтявсь  
Сад пиресь,

Чувто прясо  
Чоледсь нармунь морось,  
Нусманясто  
Кайседь монь пилес..  
Прок пишти пеель  
Седеем лазызе,  
Кода маринь,  
Што тетям кулось,  
Сон те чистэнтъ  
Чи валдонть кадызе,  
Калмс панизе  
Стака эрямось.  
Кадонь ломанекс  
Ульнинь масторсонть,  
Седей-мари  
Монень арасель,  
Теке, мерят  
Се шкань эрямосонть  
Весе горясь  
Монень алтазель..  
Эщо пакшакс  
Мон локшонть саия  
Сезган Гришань  
Ревензэ ванынь,  
Седейк пек  
Нарьгамонть варчия,  
Седейк пек  
Сельведьтнень валынь.  
Зорясь удиль  
Мон жо уш паксясо,  
Карксом видьга  
Тюрякс начкиль.  
Пек уш стака  
Седей апаросо  
Сиянь росанть  
Масторов правтынь..  
А евтневить  
Югазэ стака читне,  
Сестэ стакаль  
Вень оймамо шкась,  
А токавильть,  
Сэредильть пуворькстэ,  
Мерят ежот  
Овси мик арась.  
Истя се шкась  
Югась монь од прыва,  
Эзия нек  
Сырьненъ чи валдонть.  
Кежень сазь  
Арсян ней эсь потмован,  
Сэпей, стака  
Югавозь шкадонть.

## Паро ловнома кудо

Торбеевань р-н. Пек паро Ба-зарно-Дубровской велесэ ловнома кудось. Ванькс, мазый, культур-ной. Те ловнома кудосонть од ло-маньтне ды сыре колхозниктне ютавниль эсист ютко шкаст ды мик тонавтнить.

Ловнома кудосонть ули аволь берянь библиотека. Тосто од ло-маньтне ды весе, конат якить тов, муить ды ловныть Ленинэнь, Ста-линэнь, Горькоень, Шолоховонь, Фурмановонь ды лиянь произве-денияст.

Ловнома кудосонть организова-шныть художественной ды поли-тической литературань ловномат ды проработкат. Радио вельде

вейсэ кунсолукшныть лекцият ды лия передат. Ловныть газетат. Улить музыкальной инструмен-т. Сынст эйсэ сеedyстэ тейнить выс-тупленият. Од ломаньтне морсить революционной морот.

Покш работа ловнома кудосонть ветить комсомолецтне. Сынъ тосо весе од ломаньтне марто прора-ботали ВЛКСМ-ень ЦК-ань XI-це пленумонть решениянзо, коминтер-нань VII-це конгрессэнтъ мате-риалонзо.

Весе од ломаньтне пек покш мельсэ якить ловнома кудонтень. Весиасто, мазыйстэ, культурной-стэ ютавтыть тосо ютко шкаст.

Кин.

## Истямокс улезэ эрвя колхозникесь

Чамзинкань р-н. „Гроза“ колхо-зонь колхозникесь Павлов Михаил Иванович пек парсте роботась сю-ронь урядомо шкастонть. Пачк велькска ды паро качества марто топавтнилинзе норманзо. Сон кол-хозов васень совамо шкастонзо уш кармась парсте ды честнойстэ ро-ботамо. Чаркодсь, што ансяк сестэ, зярдю весе колхозниктне кармить парсте роботамо, кемелгады кол-хозоськак, вадрылгады эсист эря-моствак. Ды Павлов кармась уш теевеме зажиточноекс. Сон эсь мельганзо парсте роботамо тар-гась зярыя лия колхозникт.

Но Михаил Иванович аволь ан-сяк парсте роботы колхозсо.

Сон примакшны активной участия велесэнтъ весе хозяйственно-поли-тической кампаниянтень ютавто-массонть. Сон велесэнтъ сех икеле топавтни государстванть икеле ве-се обязательстванзо. Те иестэнтъ как сех икеле ды весе пандызе налогонзо, 100 % топавтнзе госу-дарствантень сывелень ды оень максомань обязательстванзо.

Павловонь конлямокс эряви улемс лия колхозниктнененьгак. Ведь эрвя колхозникентъ честень те-векс ашти сё, штобу парсте робо-тамс колхозсо ды лездеамс пар-тиянтъ ды правительствантъ весе мероприятияст тевс ютавтомантень

И.Бояркин.

## Ружия

(Фельетононь таркас).

Пичеуронь дачасо (Чамзинкань район) вирь ванстыцясь Павлов И. Я. вирень ленге лангс рамась ружия.

Велькоронь сермасто.

.\*.\*

Эрясь аштесь вирень ванстыця Павлов. Покш почетсо эрясь ло-манесь. Содазь, кие а карми ви-рень азоронть мелэнзэ ванстомо? Тердсьызь гостекс, нолды вирь. Саить литра, нолды лентгак. Пек „питней“ велесэ истямо ломанесь. Эрямс бу эрямс Павловнэнь, ансяк ружиясь, наксадоволь, арась.

Весе седеензэ, Павловонь рав-жакватызе те ружиясь! Кодамо уш, торла вирень ванстыцят, бути арась охотничамо ружият? Вара-каяк эйстэ а пели.—Ломань лей-дема!

— Вант, простой ломанть, кол-хозникт молитъ вирев каладо ру-жиине марто и то маштыть нумоло эли кодамояк нармунь. Мон жо эрвя чистэ эрян вирьсэ, мезеяк не могу теем!—арси Павлов эрвя чистэ—эх, ружия, ружия, весе прям эйстэ кружия!

Ламоксть ульнестъ истят тевты-юты Павлов вирень киява, косто а косто копст икелензэ нумоло! Аламонь тарка арды ды озы пу-лонзо лангс. Павлов ваны, ваны—пижакады. Нумолось тандады, та-го арды аламонь тарка, таго лотки Павловонь дразнеме.

— Ах косой чорт, тон эщо а пе-лят!—Рунгозо мик соракады. Син-ди лейксэнь палка ды мельганзо. Арсиде тынсь, нумолось аразди сасави! Чийни, чийни Павлов мель-ганзо, сизи. Нумолось мик а кек-шияк. Сельги Павлов ды туй ку-дов прянь нолдазь. Кудосо низэ лавазняви, мекс мезеяк а канды. Видестэ меремс, аволь эрямо—наръ-гамо!

Вирьсэ эрять азовь ансяк нумо-лот, ливтнить эрвя коламо наръ-мунтькак. Секс, кизна Павлов мик пельсэ вирьга якамонзояк. Вант тесэ ливти утка, тосто вирь сараз... преветькак чаракадыт! Калады ис-тямо шкане Павловонь седеезэ,—вень перть а улы. Весе тевесь, наксадомань, ружиянт лангсо!

Уставась Павлов Ружиянь добу-вамо.—Мезе лангс?—стась икелен-зэ арсема.—Бути ярмак лангс, эря-вить ламо, ярмакт? Давай ленге лангс! Кармась ленгень таштамо. Пурцакин Павел Петровичень кедь-стэ (Киржеман велестэ) мусь кол-мо сядо трубка салазь лентг, акт эзь сермадо, лентгнень сайнзе эс-тензэ.

Мейле Калиновка велестэ, окой-ники мусь ружия, сайзе. Кисэнзэ алтась 80 целковойть. Ярмактнэнь эзинзэ пандо, но тень таркас вирь-стэ максь лентг ды пентг...

Пентгнень ды лентгнень Павлов вирьстэ нолды лияненьгак. Ломанень ули парось сонэнзэ а жалъ. Сень кисэ ней ули охотникень ру-жиязо. Косой нумолось небось а карми дразнеманзо. Павлов ней кежентэ тензэ пандсы...

Весела ней минек „героесь“ Павлов.

Ружиянт добувамодонзо мейле, келя, минек „героесь“ теевсь пек покш оптимистэкс. Коргыть, што кудовгак сакшны хотъ нумоловто-мо, но яла теке вадря настроения-со (кода жо, ружиясь ансяк мезе ашти).

Тевтне гайгить. Павловонь се-дейк кайсь почетозо. Обидизь, тейни, сонзэ ансяк „легкой кавале-риянь“ члентнэ. Сынъ сермадсть акт лентгнэнь эйсэ мухлювамонть кис.

В. Радиш.



## Призывной комиссия (Сталин лемс автозаводсо, Москов)

Призывной комиссиант кенкш лангс озадо ашти Сталин лемс автозаводон литейной цехень электрмонтер Виталий Рябов. Ней Рябов ялгас аравтоз прессовой цехень строительствантень профоргокс.

— Мон эщо зярыя иеде икеле арсинь улемс Якстере армиянь боецкс ды командиркс. Мон покш братом якстере партизан. Сон эсь мельсэ тукшнось ашогвардеецнень каршо бороцямо. Омбоце братом прядсь военной академия. Ней ансяк монь мелем тевс ютавовсь. Течи мон призываюсь Якстере армияв. Пек парсте анокстынь те чинтень. Мон максынь зачет II це ступенень Ворошиловской стрелок лангс. Парсте тонавтия винтовканть ды пулеметонть.

Ялганзо ютксо Рябов ялгас паромельсэ евтни седе, што сон сайсь эсь лангзонзо обязательства частев тумадо икеле эсистеростроительствантень анокстамс 10 Ворошиловской стрелокт.

— Минек Якстере армиясь—корты Барылов ялгас, истя пек кемекстась техникасо, моторсо, механизмасо, што модемс армияв военн апок анокста лован ков как а маштовиксэкс.

Ды Барылов конструкторсь тейсь пек ламо, штобу армияв самс военной паро зарядка марто. Сон ГТО-нь значист, I це ды II це ступенень Ворошиловской стрелок, содасы моторонть.

Рябов партиянь кандидат. Барылов беспартийной. Кавонест сынст вейке мелест—социалистической родинанть икеле идемс рабочекрестьянской Якстере армиянь воинэнь покш лементь.

(„Красная звезда“).

## Пек вадря юбилей

Сентябрь ковсто масторонок ютавты фабрично-заводской ученичествань школатненень 15 иеть тополемань пек вадря юбилей.

ФЗУ-нь всенень школатне ульнесть организоватъ Сталинэнь лемс автозаводсо, „Динамонь“ Киров лемс заводсо (Москов)—„Юной пролетарийс“ (Ленинград) ды лия заводтнэсэ. Ней сын улитъ весе промышленной покш центратнэсэ. Неть иетнэсэ промышленностесь ды транспортосе полу часть 1, 5 миллион квалифированной рабочейть, конатненень анокстызь ФЗУ-тне. Ней сынст эйсэ тонавтитъ 300 тышат ломанть.

Партиясь ды правительствась каитъ пек покш мель фабрично-заводской ученичествань школатненень лангс. Ансяк 1931 34 иетнэсэ комсомолонть непосредственной участиязо пингсэ строхь 1000 од пек вадря зданият ды ФЗУ-нь школань мастерскойть, конатненень питнест 400 миллион целковойть.

ФЗУ-нь школатненень прядыцятненень ютксо ламотне теевсть производствасо икеле молиция ломанекс ды аравтоз ветоамо роботас—бригадиркс, мастеркс, цехень начальниекс. Икелень ламо кемень ды ламо сядо фабзаучниктнэнь лемест содагынзе весе масторонок. Сынст ютксо—орденэнь кантлицят: ВЛКСМ-нь ЦК-нь ды МК-нь секретаресь Лук'янов ялгас, ВКП(б)-нь Краснопресненской райкомонь секретаресь Персик ялгас, Сталин лемс заводонь инструментальной отделэнь начальни-кесь Бакулов ялгас, Ковровской инструментальной заводонь ФЗУ-нь школань начальниексь Кошанов ялгас ды лият.

## Абиссинской сюлмось

Кода содатано, Абиссиниясь истямо мастор, конась керцезь пандтнэсэ. Пандтнэ ашгитъ масторонь естественной покш ванстомакс.

Седеяк пек уязвимой таркакс ашти Огаденэнь обед енксонь долинась. Самай тесэ теевсь итальянской ды абиссинской войска-тнень ютксо се столкновениясь, конань эйсэ формально уставась италю абиссинской конфликтэсь. Черкстатано; формальна, секс што Абиссиниянь лангс итальян-ской наступлениянь корентнэ аш-титъ аволь пограничной вишка конфликтнэсэ, но сенсэ, што итальянской фашизмась бажи по-работить те масторонть теемс сон-зэ эстензэ колониякс.

Но обед енксонть улитъ ламо „аволь паро таркат“ Италиянтень. Каявомс Огаденэнь лангс можна ансяк Итальянской Сомалинтень-ендо, мезесь веши Италиясто войска-тнень пек кувать провожамонть. Огаденэсь—чаво таркань, аволь ламоэриця марто, теке марто жо, ведень аразь чинь область, ко-нань занимаюсь мезеяк а макссь Италиянтень, ансяк лавшолгавсь сонзэ пек покш трудной этапстонть—северной, пандо марто Абисси-ниянтень лангс каявомстонть.

Бути кортамс северной киденть, то тесэ каявицятне могут использо-вамс ансяк кой-кона пандтнэнь юткова теине кинетнень, конатне-ва а ютави стака артилериясь. Ве-се ютамо таркатнэсэ вейке сехте паро ютамо таркакс ашти се, ко-на моли Адугонть трокс, но те

ошонть марто Италиясь повнясынзе 1894 иень тевтнень, знярдо сонзэ армиянт тосо изнинзе абиссин-кой войскактне. Бути кемемс ан-глийской пачтямотнень лангс—Итальянской войскактне тейсть ар-сема совамс Абиссинияв Эритриес-тэ, Данакил пустынянт трокс. Ко-да можна неемс картасто, те кись—пек нирькине абиссинской столи-цантень, ды теде башка сон арав-ты пелема таркас Аддис-Абедис-тэ иневедентень чугункань кинть, конась ашти абиссинской армиянт оружиясо снабжениянь вейке кикс.

Ней Итальянской властне опро-вергают те пачтямонть. Истямо-човине тевсэ а кода надиямс офи-циальной пачтямотнень лангс.

Яла теке, войнантень пек бойкасто анокстамось моли Ита-лиясьокс ды Абиссиниясьокс. Ита-лиясьокс призываются дополнительна 200 тышат запаснойть. Муссолини эсинзэ вейке остатка валсонзо яво-лявсь, што маласо шкастонть Ита-лиянт ружия ало кармить улеме вейке миллион солдатонзо. Афри-кав апок лотксе провожакшновить чернорубашечникень отрядт (фа-шистской организациянь вооружен-ной члент). Фашистской союзонь, конатненень топодсть 17 иеть, организовави военизированной ми-лициянь башка территориальной корпус.

Абиссиниясь тожо аноксты обо-ронантень. Абиссинской войскактне строить обходной кить коштонь бомбардировкасо чугункань сэдъ-тнень калавтомань случайденть.

## Абиссиниясо войнань очагось

Абиссиниясь—формальна кинь-как эйсэ аволь зависимой государ-ства. Сон Африкань северо-восточ-ной пельксэнт ды эсинзэ покшол-масонзо Германиядонть седе покш. Сон ней теевсь истямо магнитэкс, конатненень венстить империалисти-ческой державатне ды икелевгак Италиясь. Те масторонть келес ви-евгавтызь эсистеростэс ды ап-петитэст ниле покш держават—ике-левгак Италия, мейле Англия, Фран-ция ды меельсэ шкастонть Япония. Сонсь японской императорось, эсин-зэ витькставсонзо коряс, пек покш мель марто следи Абиссиниясо со-бытиянтень мельгал.

Абиссиниясо АНГЛИЯНЬ интере-сэнзэ, сехте пек, аштитъ масторонть се пельксэнзэ, кува чуди Голубой Нилэсь ды косо ашти Тана эрь-кесь. Голубой Нилэнь ведьтне вал-нынть Египтань ды Суданань хлопко-вой покш плантациянтень, конатне аштитъ Англиянт кедьсэ; Англиясь пели, штобу аволизе сае кодамояк мастор Абиссиниянт ды се масто-рось эсинзэ плотинасонзо аволизе-пира се веденть, конась валны ан-глийской плантациянтень.

ФРАНЦИЯСЬ Абиссиниясонть за-интересованной секс, што сонзэ кедьсэ пек покш чугункань кинь веткась—Джи-бути—Аддис-Абеба, конанть значениязо ашти сенсэ, што Абиссинской ввозтнэсэ ды вы-возтнэсэ 80 процент молить те вет-каванть.

Сехте покш ды активной заинте-ресованность те шкантень невти ИТАЛЬЯНСКОЙ империализмась. Кодамо покш ды кодамо активной те заинтересованностесь, неяви коть-снеть остаткакс кулянтнэсэ, конатне-лиснить италю абиссинской конфли-ктэнтъ.

Италиясь-капши Абиссиниянт те-емс эстензэ хлопковой плантациякс.

Пель ие ютась се шкастонть, зняр-до Уалуал оазисэнт маласо, Сама-ли итальянской колониянт ды Абиссиниянт ютксо границанть лангс, ушодовсть леднематне, ко-натне ушодызь конфликтэнтъ. Апок-туре конфликтэнт лоткавтомань весе арсематне те шкас ульнесть-результатомокс. Ней конфликтэсь-яла касы. Итальянской фашизмась-уш аноксты Абиссиниянтень яволя-вомс „Нациянь война“.

## Единой фронтоны кис покш демонстрация

Прага (Чехословакия). Августонь 7-це чисэнтъ Прага ошонь колмо пек покш залсо ульнесть промкст, конатненень пурнакшнынзе компар-тиясь. Промкстнэсэ ульнесть кемень тышад ламо рабочейть. Колмонест промкстнэ ульнесть фашизманть-ды войнань опасностень каршо бороцямонь покш демонстрациякс.

Коминтернань VII-це конгрес-сэнть кувалт отчет марто кортасть коммунистической депутатнэ Невер-ма ды Сланский, истяжо Шато-

рось Шмераль. Шмераль кортамо кармамодо икеле евтась поздо-ровт СССР-энь пролетарийтне-пельде Прага ошонь рабочейтне-нень. Те яволявтоманть рабочейтне-вастызь Советэнь Союзонть пек-виестэ цяпазь.

75.000 войскакт провожасть Харра-сто Огаденэв. Но Абиссиниянт аволь ламо боеприпасонзо.

Пек виевстэ аноксты Англиясь-как, конатась кодаяк а арси нол-дамс Италиянт теевемс азоркс Абиссиниянт лангс. Нефтань до-бувамодо англо американской кон-цессиядонть пачтямотнеде мейле, конань эйсэ (концессиястонть) до-ходось карми модемс Абиссиниянь-вооруженной вийтнень кастамон-тень, састь пачтямот Средиземной-иневедсь английской флотонть пе-регруппировкадо. Гибралтарсь, Мальте островсо, Палестинасо ды Аденэс английской базатне пеш-кедсть од линкорасо ды крейсес-сэ Чатлем Англиянь военной вер-фатнесэ чинек-венек молить пек-виев роботат военной суднатнень-довооружениядо.

Нама, теке шкастонть молить-дипломатической кортамотнеяк. Иден се яла, совещаетсь Лаваль-марто Парижэ ушодозь те совеща-ниясь, молсь седе тов Париж—Же-нева поездсэнть. Но сон эзь максо-кодаткак результат. Франциясь-икеле ладсо отказы Англиянтень-лез-дамо. Теке шкастонть Германиясь-ютавты военной покш маневрат, сенень анокстась, штобу каявомс-Австриянт лангс сеске жо, знярдо-Италиянт кедензэ кармить улеме-сюлмазть Абиссиниясо.

Сюлмавксось кармасть юкстневе-ме. Те сюлмодонть вопросось ван-нови Лига нациянь советсэнть. Но-знярс, войнантень анокстамось мо-ли пек бойкасто. („К.П.“)

## Италиянь трудицятненень войнась а зряви

Англиянь „Морнинг пост“ газе-танть кулянь пачтеманзо коряс-итальянской властнэ арситъ, што-Италиянт ды Абиссиниянт ютксо-враждебной действиятне ушодовить-те ковстонть.

Англиянь лия газета „Яейли эк-спресс“ сермады, што Италиянь-правительствань представителесь-тейсь истямо яволякс: Ми-нек войскактнэ анокт операциянтень-ушодомо, кодак ансяк прядови-пиземень сезонось, апок вант се-лангс согласи эли а согласи Наци-ятнень Лигась. Натой сестэяк, бути-Нациянтень лиганть лездемонзо-коряс Абиссиниясь карми модем-седе вадря соглашенияс, минек-яла теке сави саемс минек войска-тнэсэ Абиссинской территориянтъ. Военной оккупациявтомо кодамояк-соглашения вадря а ули. Минь куч-тано войскакт Абиссинияв, кода-ансяк маштаном, ды минек мезеяк-а лоткавтсамизь“.

Англиянь „Манчестер гардиан“ покш газетась итальянецтнэнь вой-нантень отношениядот сермады, што коть седе ламо ломантьне-ловить войнань улеманть, те а ко-рты седе, што сын эйсэнзэ шныть. Рабочейтне, седеяк се поколениясь-кона ульнесть войнасо, икеле ламо-молить войнанть каршо“. Венеция-ды Генуя оштнэнь теине ульцятне-сэ ды Неаполень трущобатнэсэ,—сермады газетась,—стенатне вель-язьт антивоенной сермадовксос“.

(ТАСС).

Ответ. редакторось М. ЛЮПАЕВ.